

Ketidak

hadiran
UM 25 AUG 1984
Mahathir

jadi
tanda
tanya

(P)
PETALING JAYA 27

Ogos - Tindakan Datuk Sri Dr. Mahathir Mohamad membatalkan kehadirannya untuk merasmikan pembukaan majlis Colloquim Malaysia-Jepun di Hotel Hilton di sini pagi ini telah menjadi tanda tanya khususnya di kalangan para peserta dari Jepun.

Para peserta dari Jepun kedengaran sibuk merisik-risik di kalangan para peserta dari Malaysia mengenai sebab-sebabnya bila mendapat tahu Menteri Perdagangan dan Perindustrian Tengku Razaleigh Hamzah mewakili Perdana Menteri untuk merasmikannya.

Keadaan telah menjadi lebih ketara lagi bila kandungan ucapan perasmian Datuk Sri Dr. Mahathir yang dibacakan oleh Tengku Razaleigh banyak memaparkan rasa kecewanya terhadap sikap Jepun dalam hubungan perdagangan dan ekonomi kedua negara kebelakangan ini.

Seorang jurucakap Institut Strategik dan Pengajian Antarabangsa Malaysia (ISIS) yang menjadi penganjur bersama Colloquim itu memberitahu mereka hanya diberitahu mengenai pembatalan kehadiran Perdana Menteri itu pada pagi ini.

Beliau tidak member sebarang sebab mengenai pembatalan kehadiran Datuk Sri Dr. Mahathir untuk merasmikan majlis itu yang merupakan satu forum bebas di antara para pemimpin berbagai sektor kedua negara bagi membincangkan secara terbuka hal-hal kepentingan bersama.